

ERREFUXIATU ETA IHESLARIAK. Euskal Herrian «libre bizitzeko eskubidea» aldarrikatu eta «iheslariari sostengua» adierazteko ibilaldia atzo abiatu zen Getxotik. Mila lagunek hasi dute Askatasunaren Urratsa, eta datorren larunbatean amaituko da Baionan.

Askatasunaren Urratsak abian jarri du «iheslarien eskubideen aldeko» ibilaldia

Martxa Getxon abiatu da, eta «Euskal Herrian libre bizitzeko eskubidea» aldarrikatuko du Baionaraino



JON HERNÁEZ / ARGAZKI PRESS

Mila ibiltari inguruk abiatu zuten Askatasunaren Urratsa, atzo, Getxotik Bilbora.

RAUL BEZI

Iheslari eta preso ohia

«Iheslariak Euskal Herrira itzultzen ari dira, nahiz erabaki horrek ondorio larriak ekarri»

ALAITZ URBIZU

Martxisten ordezkaria

«Gizarte mobilizazioari esker, iaz Frantziak 17 iheslariaren kanporaketa geldiarazi zuen»

berean, «munduan zehar direnak itzultzen ari dira, eta iheslariak Lapurdin, Nafarroa Beherean eta Zuberoan bizitza normala eta publikoa egiten dute».

Itzultzeko erabakiak «ondorio larriak» dakarziela esan zuen Bezi, eta Frantziak «alde egiteko agindu» diela 17 iheslariari. «Baina Frantziako Estatuak hanka-sartze handia egiten du, iheslariok Frantzia gabe Euskal Herrian bizi direlako».

Hamazazpi iheslarien kanporaketa gizarte mobilizazioak geldiarazi zuela nabarmendu ondoren, Alaitz Urbizu martxistak «euskal gizartearen parte diren herritar hauen egoera salatzeko eta haiei zein senitartekoari elkartasuna adierazteko pausoz pauso Algortatik Baionara doan martxa honekin bat» egiteko deia egin zuen.

Algortatik Bilbora

Ekitaldi politikoa amaitu eta berehala abiatu zen ibilaldia, Algortako kaleetan barrena lehenbizi, eta Bilborantz gero. Mila lagun inguruk osatzen zuten martxa Getxotik atera aurretik. Deustuan bazkaldu ondoren, Bilbora iritsi ziren, Etxerat-ek Moyuan egin ohi duen elkarretaratzearekin bat egiteko.

Gaur Basauritik abiatuko da martxa, eguerdian Zornotzara iritsiko da, eta Gernikan amaituko da ekitaldi politikoa batekin.

Humberto Unzueta | GETXO

Askatasunaren Urratsa ibilaldia martxan dago atzodanik, eta datozen zortzi egunetan Algortatik eta Baiona lotuko ditu, tartean Bizkaiko, Gipuzkoako eta Lapurdiko hainbat herritatik igaroz. Martxak Algortan ekin zion ibilbideari, eta Getxoko auzunetik Bilborako bidea hartu zuen, Nerbioi ibaiaren albotik.

Ibiliari ekin baino lehen, ekitaldi politikoa izan zen Algortako Txiki-Otaegi plazan. Bertan, martxista batek eta iheslari ohi batek Askatasunaren Urratsa ibilaldiaren helburu eta aldarrikapen nagusiak agertu zituzten. Raul Bezi hartu zuen hitza lehenbizi. Hamazazpi urtez iheslari gisa eta konfinatuta ibilia den bilbotar honek «Euskal Herrian libre bizitzeko eskubidea» aldarrikatu zuen euskal herritarrentzat, eta gogorarazi iheslariak «zapalkuntza eta torturen

ondorioz alde egin behar izan dutela beren sorterritik».

Jarraian, egungo egoera politikoari erreparatu zion, eta «salbuespen egoeran» bizi garela adierazi zuen, hala Hego Euskal Herrian nola Lapurdi, Zuberoa eta Nafarroa Beherean. «Bi estatuak gauzatzen ari diren eskubide urraketa etengabea» aipatu zuen horren erakusle, eta, adibide gisa, manifestatzeko edo elkartzeko eskubideen «ezabatzea» nabarmendu.

Bi mila iheslari baino gehiago

Egun, bi milatik gora dira euskal iheslariak, eta horiei sostengua adieraztea da Askatasunaren Urratsa-ren xedea. Beziren hitzetan, «iheslariak beren herrian bizitzeko eskubidea dute, eta eskubide hori eskatzea bainoago, praktikan gauzatzea hautatu dute». Esan zuenez, konfinatuak eta deportatuak Euskal Herrira itzuli diren modu



JON HERNÁEZ / ARGAZKI PRESS

Txalapartariak, Algortako Txiki-Otaegi plazako hasiera ekitaldian.